

四庫全書

子部

欽定四庫全書

歲時雜詠卷四十四

宋 蒲積中 編

四月

和微之四月一日作

白居易

四月一日天花稀葉陰薄
泥新鶯影忙蜜熟蜂聲樂
麥風低冉冉稻水平漠漠
芳節或蹉跎遊心少牢落
春華信為美夏景亦未惡
颭浪嫩青荷熏欄晚紅藥
吳宮好風月越郡多樓閣
兩地誠可憐其奈久離索

奉和四月三日上陽水憲宴應制

孫逖

今日逢新夏歡遊續舊旬氣和先作雨恩厚別成春鳳
吹臨清洛龍輿下紫宸此中歌在藻還見躍潛鱗

四月十三日詔宴寧王亭子 張說

何許承恩宴山亭風日好綠嫩鳴鶴洲陰濃關鷄道果
思夏來茂花嫌春去早行樂無限時皇情及芳草

四月十五日道室書事寄襲美

陸龜蒙

烏飯新炊藜藿香
道家齋日以為常
月苗杯舉存三洞
雲蕊函開叩九章
一掬陽泉堪作雨
數株秋石欲成霜
可中值著雷平信
為覓閑眠苦竹床

同前

皮日休

望朝齋戒是尋常
靜啟金根第幾章
竹葉飲為甘露色
蓮花鮓作肉芝香
松膏背日凝雲磴
丹粉經年染石床
剩欲與君終此志
頑仙唯恐鬢成霜

四月奉教作

李嶠

暄籥三春謝炎鍾九夏初潤浮梅雨夕涼散麥風餘葉
暗庭帷蒲花殘院錦疎勝情多賞託樽酒狎林筵

憶長安十二詠

丘丹

憶長安四月時南郊萬乘旌旗嘗酎玉卮更獻含桃絲
籠交馳芳草落花無限金張許史相隨

狀江南十二月每句須一物形狀

賈弇

江南孟夏天
慈竹笋如編
蜃氣為樓閣
蛙聲作管絃

河南府試四月樂辭

李賀

曉涼暮涼樹如蓋
千山

一作里

濃綠生雲外
依微香雨青

氛氲膩葉蟠花照曲門
金塘間水搖碧漪
老景沉重無驚飛
墮紅殘萼暗參差

四月

和蔡樞密孟夏日西府書事

王安石

宮闕初晴氣象饒寶車攢轂會東朝重輪應自離明發
內壤陰隨解澤消賜筐外庭紛錦繡燕庖中禁續薪樵
聯翩入賀知君意咫尺威顏不隔霄

四月一日全潘何小酌

張耒

今辰一盃酒相屬送歸春明年東風至何憂復迎新懸
知柯山下猶作未歸人來事如宵夢未至難預論且復
飲此酒陶然付大鈞

孟夏一日通判太博惠庭花二十枝云是手植

因以為答

梅堯臣

前日已春盡夏卉抽嫩青惟君所植花餘紅猶滿庭常
惜畏景逼贈未及飄零欲插為之醉但慙髮星星

四月三日張十遺牡丹二朶

已過穀雨十六日猶見牡丹開淺紅曾不爭先及春早
能陪芍藥到薰風

四月八日卜新居示過

蘇軾

朝陽入北林竹樹散疎影短籬尋丈間寄我無窮景舊

居纔一席逐客猶遭屏誅茅得茲地翳翳林巷永晚來
微雨涼畦菊發新穎俯仰各有態何必謀二頃

至和元年四月二十日夜夢蔡紫微君謨同在
閣下食櫻桃蔡云與君及此再食矣夢中感而
有賦覺而錄之

梅堯臣

朱櫻再食雙盤日紫禁重頒四月時
澠朗天開雲霧閣依稀身在鳳凰池
味兼羊酪何由敵鼓下萸羹不足宜
原廟薦來應已久黃鸝猶在最深枝

四月二十日 二首

張耒

久將醉眼視羣兒只與傍觀作笑嬉
賦茅狙公曾未悟牽絲木偶豈多時
雲間炎暑人方畏地下微陰誰得知
榮謝古今同此理老翁端坐但忘機

十步荒園亦懶窺枕書小醉睡移時
健如黃犢時無幾鈍似寒蠅老自知
休惜飛花春過眼但知強健酒盈卮
枇杷著子紅榴綻正是清和未暑時

四月二十八日新燕寄仇池 蘓轍

細莎為屨如編鬚輕葛為服如翦葦寒泉洒屋朝露濡
霜簟可薦机可扶風鳴牖間如吹竽此雖有暑宜亦無
庭前峻山槎之餘盆中養鰕大如魚荻生抱甲未見膚
蔓起上屋將懸壺麥苗高齊可藏鳥此雖非野僅亦如
兄居谿堂南山趺濯足溪水驚鴈鳬澄潭百丈清無淤
將往思我立踟躕東軒鄙陋何足居欲行不行繫轡駒

五月

五月旦作和戴主簿

陶潛

虛舟縱逸棹迴復遂無窮發歲若俛仰星紀奄將中明
圃罕悴物北林榮且豐神淵寫時雨晨色奏景風既來
孰不去人理固有終居常待其盡曲肱豈傷冲遷化或
夷險肆志無宏隆即事如已高何必昇華嵩

五月一日紫宸候對時屬禁直穿內而作因書

六韻

鄭畋

朱夏五更後步廊三里餘有人從翰苑穿內入中書漏
響飄銀箭燈光照玉除禁扉猶鎖鑰宮伎已粧梳紫府

遊應似釣天夢不如塵埃九門外誰信在清虛

五月六日發石頭城步望前船示舍弟兼寄侯

郎

沈亞之

客子去淮陽蹉跎別夢長水關開夜鏢霧棹起晨涼烟
月期同賞風波忽異行隱山曾撼櫓轉瀨指遙檣蒲葉
錢刀綠筠筒楚粽香因書報司遠為我憶檀郎

五月九日

司空圖

金石皆銷鑠賢愚共網羅達從詩似偈狂覺哭勝歌高

燕凌鴻鵠枯槎壓芰荷此中無別境此外是閒魔

五月奉教作

李嶠

綠樹炎氛滿朱樓夏景長池含凍雨氣山映火雲光果
院新櫻熟花庭曙槿芳欲逃三伏暑還泛十旬觴

憶長安十二詠

嚴維

憶長安五月時
君王避暑華池進膳甘
瓜朱李續命芳
蘭綵絲競處高明臺
榭槐陰柳色通達

狀江南十二月每句須一物形狀

樊 珣

江南仲夏天時雨下如川
盧橘垂金彈甘焦吐白蓮

仲夏齋戒日

白居易

仲夏齋戒日三旬斷腥羶
自覺心骨爽行起身翩翩始
知絕粒人四體更輕便
初能脫病患久必成神仙
禦寇馭冷風赤松游紫烟
常疑此說謬今乃知其然
我年過半百氣衰神不全
已垂兩鬢絲難補三丹田
但減葷血味稍結清淨緣
脫巾且修養聊以終天年

仲夏齋居偶題八韻寄微之及崔湖州

腥血與葷蔬傳來一月餘肌膚雖瘦損方寸仍清虛體
道通宵坐頭慵隔日梳眼前無俗物身外即僧居水榭
風來遶松廊雨過初褰簾放巢燕投食施池魚久別閒
遊伴頻勞問疾書不知胡與越吏隱興何如

河南府試五月樂辭

李賀

雕玉押簾上輕縠籠虛門井汲鉛華水扇織鴛鴦文迴
雪舞涼殿甘露洗宮綠羅袖從徊翔香汗霑寶粟

五月

五月十日雨中飲

梅堯臣

梅天下梅雨紛紛如亂絲梅生獨抱愁四顧無與期妻
孀解我意草草陳酒卮檻外百竿竹新筍高過之竹色
入我酒變作青瑠璃一飲眼光再飲言語遲三飲顏
然醉左右嘆我衰有鳥從東來引頭鬧深枝發聲醒我
醉提壺美無疑典衣不值錢唯是布與絺安得如古人
車傍挂鳴夷

五月十一日

張耒

雲間趙盾益可畏淵底武侯方熟眠若無一雨為施澤
直恐三伏便欲然算商沽酒有底急東帶坐曹直欲顛
平生不解作熱客日復飽食窺陳編

五月十五日

蘇舜欽

院僻簾深晝景虛輕風時見動竿烏池中綠滿魚留子
庭下陰多燕引雛雨後看兒爭墜果天晴因客曝殘書
幽棲未免牽塵事身世相忘在酒壺

五月十七日

張耒

長夏村墟風日清
茅簷燕雀已生成
蝶衣曬粉花枝午
蛛網添絲屋角晴
落落珠簾邀月影
嘈嘈虎枕納溪聲
久判兩鬢如霜雪
直與漁樵過此生

大雨不止五月十八日晚始霽

昊穹忽悔禍淫雨
霽今夕峯嶺紆紫翠
雲間麗金碧
深哇鳴遠注涼葉墜
餘滴漏屋百不憂
宵眠始安席

五月十九日

堂下溪流清且長，夾溪喬木老蒼蒼。
裊風翠果擎枝重，照水圓荷舞葉涼。
蝸角已枯粘粉壁，燕泥時落污書床。
南山野客時相遇，一作過贈我能攜藥滿筐。

六月

六月三日夜聞蟬

白居易

荷香清露墜，柳動好風生。
微月初三夜，新蟬第一聲。
乍聞愁北客，靜聽憶東京。
我有竹林宅，別來蟬再鳴。
不知池上月，誰撥小船行。

奉和六月壬午應令

梁劉孝威

玄圃棲金瑟

一作碧

靈澗抱琨瑤築山圖碣岫穿池控海

潮雷奔石鯨動水闊牽牛遙乘龜猶怯渡鞭石詎成橋
崖崩下生窟壁峭上干霄噪鳥常獨沸遊魚或自跳荒
徑橫臨浦空舟斜插橈愁鷗集古樹白鷺隱丹苗初心
重丘壑微步懷漁樵石累元卿徑枝挂許由瓢伊臣本
寂默由來畏市朝為貪在山水所競惟逍遙寄言周伯
况勞君檀穀操

六月奉教作

李嶠

養日暫徘徊畏景尚悠哉避暑移琴席追涼

闕

竹

風依扇動桂酒溢壺開芳餌

闕

飛雪自可

闕

憶長安十二咏

鄭槩

憶長安六月時風臺水閣逶迤朱果雕籠香透分明紫
禁寒隨塵驚九衢客散赭汗滴瀝青驪

狀江南十二月每句須一物形狀

范燈

江南季夏天身熱汗如泉蚊蚋成雷澤袈裟作水田

河南府試六月樂詞

李賀

裁生羅伐湘竹帔拂踈霜簟秋玉炎炎紅鏡東方開暈
如車輪上徘徊啾啾赤帝騎龍來

六月

趙璜

六月火雲散蟬聲鳴樹梢秋風起蘋末客思已蕭條傾
國三年別烟霞一路遙行人斷消息更上灞陵橋

六月

和鄰幾六月十一日省宿書事

司馬光

長夏金正伏火意尤驕
盈夫子寓客舍無術逃
煩蒸軒窗豁四開滅去
壁上燈紵衣不可親羽
扇安能勝濯泉泉已溫
撫簟簟可憎萬葉悄無
風但有飛蚊鳴六府燥
不濡喉舌烟塵生攝衣
起徐步回顧天正晴雲
漢淺欲涸箕畢徒縱橫
忽思終南巔秀出秦雲
清上有松林蔽白日深
杳冥下有萬仞壑含蓄
太古冰安得躡輕屐策

杖緣崢嶸挂冠芙蓉闕結屋高崖稜回視萬鍾祿影撒
如飛蠅

六月十三日病起走筆寄仇池

蘓轍

入伏節氣變脩然如九秋牆上有短樹庭下風颼颼風
來吹我衣蚩蚩各已收移床就堂下仰見月成鉤但與
支體快不作腑臟謀半夜起寒熱展轉脫水齧藥劑失
先後欲速反見留不免召楊子把臂揣厥由笑我冷治

冷徒爾苦舌喉授我桂與薑
迺始與病投逾旬不出戶
映牖披重裘遙聞南山下
不與他土侔山寒雪不解
清氣晝夜浮餘冷入市城
煩熱遭濯漱况迺郡齋靜
滿地貯清流露濕荷葉淨
月上松栢幽墻頭白楊樹
秋聲無時休夜蛩感寒氣
上樹鳴啾啾野鶴弄池水
落拍翅羽修此處雖可愛
慎勿恣意遊凡人愛涼冷
涼冷乃熱讐試掃北窗下
靜臥却所憂屏扇去冰雪
虛室風自油歲熱強自厚
良藥彼有不

六月十八日大暑

司馬光

老柳蜩蟬噪荒庭
熠燿流人情
正苦暑物態已驚秋
月下濯寒水
風前梳白頭
如何夜半客東帶
謁公侯

六月十九日木葉皆暗榴花一枝灼然獨明感
之為賦

黃庭堅

季夏百菓發
兔葵亦成實
獨有野石榴幽花如熠燿
熠燿非獨好
芳榮恃午日
翩翩彼百蝶
髣髴相採挹
睡餘起對此
佳興亦蕭瑟
元非阡陌麗
敢競陽春出
無言以


成蹊上愧桃李質幸當飽霜雪萬顆富居室

六月晦定力院同原父賦送伯鎮景純樞言三

學士

梅堯臣

秋清三黃鵠舉翼東南飛鳴聲既相呼烟水亦相依蓬
池不暫上太液未言歸酌酒望滄海飄飄思菊衣



歲時雜詠卷四十四

欽定四庫全書

集部

歲時雜詠卷四十五
六

詳校官庶吉士臣柳邁祖

助教臣常循覆勘

總校官中書臣朱鈐

校對官典簿臣郭祚熾

謄錄監生臣李璜

欽定四庫全書

歲時雜詠卷四十五

宋 蒲積中 編

七月

七月一日作

白居易

七月一日天秋生履道里間居見清景高興從此始林
間暑雨歇池上涼風起橋竹碧鮮鮮岸沙青霍霍蒼然
古盤石清淺平流水何言中門前便是深山裏雙僮侍
坐卧一杖扶行止飢聞麻粥香渴覺雲湯美

胡麻粥
雲母湯平

生所好物今日多在此此外更何悲市朝心已矣

酬樂天七月一日夜即事見寄

劉禹錫

庭樹風韻清天河雲彩輕故苑多露草隔城聞鶴鳴搖
落從此始別離含遠情聞君當是夕倚瑟吟商聲外物
豈不足中懷向誰傾秋來念歸去同聽嵩陽笙

七月一日曉入太行山

李賀

一夕遶山秋香露溼蒙渌新橋倚雲阪候虫嘶露撲洛

南今已遠越衾誰為熟石氣何淒淒老莎如短鋸

七月三日亭午已後覺熱退晚加小涼穩睡有
詩因論壯年樂事戲呈二十一曹長

杜甫

今茲商用事餘熱亦已末衰年雖炎方生意從此活亭
午減汗流北隣奈人聒晚年爽鳥匿筋力蘇摧折閉目
踰十旬大江不止渴退藏恨雨師健步聞旱魃園蔬抱
金玉無以供採掇密雲雖聚散徂暑終衰歇前聖慎熱

巫武王親救暍陰陽相主客時序逋回韓洒落惟清秋
昏霾一空濶蕭蕭紫塞鴈南向欲行列欵思紅顏日霜
露凍堦闌胡馬挾雕弓鳴弦不虛發長鉞逐狡兔突羽
當滿月惆悵白頭吟蕭條遊俠窟臨軒望山閣縹緲安
可越高人鍊丹砂未念將朽骨少壯跡頗踈歡樂曾倏
忽杖藜風塵際老醜難剪拂吾子得神仙本是池中物
賤夫美一睡煩促嬰詞筆

七月念八與王鄭二君聽雨後夢作

李商隱

初夢龍宮寶焰燃
瑞霞明麗滿晴天
旋成醉倚蓬萊樹
有個仙人拍我肩
少頃遠聞吹細管
聞聲不見隔飛烟
逡巡又過瀟湘雨
雨打湘靈五十絃
瞥見馮夷殊悵望
鮫綃休賣海為田
亦逢毛女無憀極
龍伯擎將華岳蓮
恍惚無倪明又暗
低迷不已斷還連
覺來正是平階雨
獨背寒燈枕手眠

七月二十九日崇讓宅讌作

露如微霰下前池月過迴塘萬竹悲浮世本來多聚散
紅蕖何事亦離披悠揚歸夢惟燈見淩落生涯獨酒知
豈到白頭長祇爾嵩陽松雪有心期

雜詩

大火流坤維白日馳西陸浮暘映翠林迴飈扇綠竹飛
雨洒朝蘭輕露栖叢菊龍蟄暄氣凝天高萬物肅弱條
不重結芳莠豈再馥人生瀛海內忽如鳥過目川上之
歎逝前修以自勗

憶長安十二詠

陳允初

憶長安七月時槐花散點罌兒七夕針樓競出中元香
供初移繡轂金鞍無限遊人處處歸遲

狀江南十二月每句須一物形狀

鄭槩

江南孟秋天稻花如白糴素腕慙新藕殘粧妬晚蓮

七月流火

敬括

前庭一葉下言念忽悲秋變節金初至分寒火正流氣

舍良夜早光拂夏雲收助月微明散沿河麗景浮禮標
時令美詩興國風幽自此觀邪正深知王業休

河南府試七月樂詞

李賀

星依雲渚冷露滴盤中圓花好生木末衰蕙愁空園夜
天如玉砌池葉極青錢僅厭舞衫薄稍知花簾寒曉風
何拂拂北斗光闌干

十二月閨情七月詩

袁暉

七月坐涼宵金波滿麗譙容華芳意改枕席怨情饒錦

字沾愁淚羅裙緩細腰不知銀漢女歲歲鵲成橋

七月

七月一日出城舟中苦熱 蘇軾

涼颼呼不來流汗方被體稀星乍明滅暗水光瀾瀾香
風過蓮芡驚枕裂魴鯉欠伸宿酒餘起坐濯清泚火雲
勢方壯未受月露洗身微欲安適坐待東方啟

七月五日 二首

避謗詩尋醫畏病酒入務蕭條北窻下長日誰與度今

年苦炎熱草木困薰煮況我早衰人幽居氣如縷秋來
有佳興秫稻已含露還復此微吟往和糟床注

何處覓新秋蕭然北臺上秋來未云幾風日已清亮雲
間聳孤翠林表浮遠漲新棗漸堪剥晚瓜猶可餉西風
送落日萬竅含淒悵念當急行樂白髮不汝放

七月六日二首

張耒

雨洗秋城碧玉天暮雲吹盡月娟娟寂寥誰是清宵伴
只有姮娥最可憐

山川搖落鴈南飛想見橫汾鼓吹時得意劉郎猶嘆老
蕭條宋玉故應悲

七月十日雨餘炎暑頓解有感成篇

空山風雨夕微雨淒房櫳徂年兆搖落感歎白髮翁
謫居困炊玉無田願年豐欲持一盃酒傍舍慶老農
烈日辭紈扇高林墜晚風青燈夜齋靜不睡獨聞蛩

七月念一夜聞韓玉汝宿城北馬鋪

梅堯臣

暗樹秋風擺葉鳴
桃枝竹簾冷逾清
孤燈淡淡短亭客
半夜蕭蕭聞雨聲

七月二十六日題南禪院壁 二首

乞食高僧午未歸
秋庭葉落日輝輝
蕭條古殿松陰下
簷鐸風中乳鶴飛

秋林葉落已斑斑
秋日當庭尚掩關
掃榻晝眠聽鳥語
可憐身在此時間

又三絕

樓殿沉沉鏤夜烟
秋燈一點佛龕前
梧桐葉上三更雨
只有幽人獨未眠

白髮荊州歎滯淫
溪邊重擣洛陽砧
遣愁莫上高樓望
惟有秋雲盡日陰

零落東城官樹秋
行人一去路悠悠
祇應樓下邯鄲道
亦有佳人對此愁

七月二十七日

宋祁

客鴈歸何處
寒蛩鳴不休
兼之清夜永
副以長年愁
家

令有移帶中郎餘白頭

七月二十八日

秋物向搖落客心真悄然
高風已涼夜澹月始晴天
拂幌單練怯凝塵故扇捐
露華休早滴羈鶻不曾眠

八月

八月三日夜作

白居易

露白月微明天涼景物清
草頭珠顆冷樓角玉鉤生
氣爽衣裳健風微砧杵鳴
夜衾香有思秋簟冷無情
夢短

眠頻覺宵長起暫行燭凝臨曉影重暗欲寒聲
槿老花先盡蓮凋子始成四時無了日何用歎衰榮

八月二十九日宿懷

趙嘏

秋天晴日菊還香獨坐書齋思已長無奈風光易流轉
強須傾酒一杯觴

八月奉教作

李嶠

黃葉秋風起蒼葭曉露團鶴鳴初警候鴈上欲凌寒月
鏡如開匣雲纓似綴冠清樽對是序高宴有餘歡

憶長安十二詠

呂渭

憶長安八月時
關下天高舊儀衣冠共頒金鏡
犀象對舞丹墀更愛終南灞上可憐秋草碧滋

狀江南十二月每句須一物形狀

沈仲昌

江南仲秋天
鱖鼻大如船
雷似樟亭浪
苔為界石錢

仲秋夜郡內西亭

張登

天高月滿影悠悠
一夜炎荒併覺秋
氣與露清凝衆草

色如霜白怯輕裘高臨華宇還知隙靜映長江不共流
正值西傾河漢曙遺風猶想武昌樓

河南府試八月樂詞

李賀

嬾妾怨長夜獨客夢歸家傍簷垂緝絲向壁燈垂花簷
外月光吐簾中樹影斜悠悠飛露姿點綴池中華

八月上峽

李頻

萬里巴江水秋來滿峽流亂山無陸路行客在孤舟洶
洶灘聲急冥冥樹色愁免為三不帛已白一生頭

八月

八月一日涼如十月

張耒

已過三伏暑初歸風景誰知遽慘悽
短日旅愁消美酒
五更鄉夢託晨鷄
江天水冷魚龍蟄
野澤風多鴻鴈稀
塵篋故裘猶得在
御冬偶免嘆無衣

八月一日

高田種小麥終久不成穗
男兒在他鄉那得不憔悴

八月三日詠原甫庭前林檎花

梅堯臣

秋蠹無完葉，踈叢有瘁莖。
偶來庭樹下，重看露葩榮。
衆自守常理，獨開偏見情。
從今數霜月，結子尚能成。

八月五日夜省直

司馬光

大火已西落，溫風猶襲人。
留連惜紈扇，散誕脫紗巾。
蟾影夜色淺，蛩聲秋意新。
圖書足自適，何物更關身。

八月七日夜省直喜雨

悵望中秋月，於今已上弦。
明生圭樣小，影露桂華偏。
幽

思邈難忘浮雲去不還何當出陰翳清徹照中天

八月十日清溪對月

客路三湘遠天風八月清雲間雖掩映水底已分明且對當年影休吟萬古情喜君方向滿照我數江城

八月十日夜看月有懷崔度賢良

蘇軾

宛丘先生自不飽更笑老崔窮百巧一更相過三更歸古栢陰中看參昴去年舉君首宿盤夜傾闔酒赤如丹

今年還看去年月露冷遙知范叔寒典衣自種一項豆
那知積雨生科斗歸來四壁草虫鳴不如王江長飲酒

八月十三日晨興 三首

老人秋少睡禪誦每晨興鄰碓春殘月牀蛩語暗燈高
林鳥聲起幽草露華凝筇杖蕪禪榻生涯一老僧

端居歲已晏杖屨益蕭然雲露牕前日秋明樹外天大
江寒欲落諸嶺晚逾鮮白首無聊劇昏昏只醉眠

江上秋陰合柯山曉雨來貂裘欲辭篋紈扇已生埃落

葉濕相藉晚花寒未開殷勤探黃菊九日泛清盃

八月十七日夜省直紀事呈同舍

司馬光

窮秋直省舍大雨吁可畏九河翻層空入夜愈恣睢署
床東壁根時有塗墜墜颺颺勢將摧怵惕不成寐中宵
抱衾立呼燭久方至徙之近西偏惆悵不能備飛蚊胡
不仁忍此加啄噬避煩只深藏悒悒面蒙被須臾漏轉
劇枕褥亦沾漬雖欲起何之室中無燥地展轉遂達旦

耿耿負憂悸因思閭井民糊口仰執伎束手已連旬妻
兒日憔悴囊錢無盜米薪水同時匱敗衣不足準博手
坐相視予今幸已多敢不自知愧無謀忝肉食念爾但
增歎

九月

九月一日過孟十二倉曹十四主簿兄弟

杜甫

藜杖侵寒露蓬門啟曙烟力稀經樹歇老困撥書眠秋

覺追隨盡來因孝友偏清談見滋味爾輩可忘年

奉酬宣上人九月十五日夜東亭望月見贈因

懷紫閣舊遊

鄭 綯

中年偶逐鴈鴻侶弱歲多從麋鹿羣紫閣道流今不見
紅樓禪客早曾聞松齋月朗雲初散苔砌霜繁夜欲分
一覽綵牋佳句滿何人更詠惠休文

九月十五日夜宿鄭尚書相公東亭望月寄杜

給事

廣 宣

霜天晴夜宿東齋松竹交陰愜素懷迴出風塵心得地
可憐三五月當階清光滿院恩情見寒色臨門笑語諧
雲漢路馳從道合往來人事不相乖

九月十八日賜百寮追賞因書所懷

德宗

雨霽霜氣肅天高雲日明繁林已墜葉寒菊仍舒榮懿
此秋節時更延追賞情池臺列廣宴絲竹傳新聲至樂
非外獎浹歡同中誠庶敦朝野意永使風化清

大曆二年九月三十日

杜甫

為客無時了悲秋向夕終
瘴餘夔子國霜薄楚王宮
草敵虛嵐翠花禁冷葉紅
年年小搖落不與故園同

九月奉教作

李嶠

曲池朝下鴈幽砌夕吟蛩
葉逕蘭芳盡花潭菊氣濃
寒催四序律霜度九秋鐘
還當明月夜飛蓋遠相從

憶長安十二詠

范燈

憶長安九月時登高遙望昆池上
苑初開露菊芳林正

獻霜梨更想千門萬戶明月砧杵參差

狀江南十二月每句須一物形狀

劉蕃

江南季秋天栗果大如拳楓葉紅霞舉蘆花白浪川

賦得九月盡

元稹

霜降三旬後萸餘一葉秋玄陰迎落日涼魄盡殘鉤半
夜灰移琯明朝帝御裘潘安過今夕休詠賦中愁

河南府試九月樂詞

李賀

離宮散螢天似水竹黃池冷芙蓉死月綴金鋪光脉脉
涼苑虛庭空澹白露花飛飛風草草翠錦欄斑滿層道
鷄人唱罷曉矐矐鴉啼金井下疎桐

九月

九月一日

去歲南陽與謝公別今謝公已歿

梅堯臣

授衣念徂節闔棺傷故人故人昔送我把酒湍水濱只
道後期易豈知無會因死生意不及欲語鼻先辛既乏
羨門術安得如松筠寒暑更數十病亦同埃塵

九月五月得姑蘇謝學士寄木蘭堂官醞

公田五十畝種秫秋未成杯中無濁酒案上唯丹經忽
有洞庭客美傳烏與程言盛木蘭露釀作甕間清木蘭
香未歇玉盞貯華英正值菊初坼便來花下傾一飲為
君醉誰能解吾醒吾醒且不解百日毛骨輕

九月十四日東府雨中作示子由

蘇軾

庭下梧桐樹三年三見汝前年適汝陰見汝鳴秋雨去

年秋雨時我自廣陵歸今年中山去白首歸無期客去
莫嘆息主人亦是客對牀定悠悠夜雨空蕭瑟起折梧
桐枝贈我西北行歸來強健否莫忘此時情

九月二十日微雪懷子由 二首

岐陽九月天微雪已作蕭條歲暮心短日送寒砧杵急
冷官無事屋廬深愁腸別後能消酒白髮秋來已上簪
近買貂裘堪出塞忽思乘傳問西琛

江上同舟詩滿篋鄭西分馬涕垂膺未成報國慚書劍

豈不懷歸畏友朋官舍度秋驚歲晚寺樓觀雪與誰登
遙知讀易東窗下車馬敲門定不應

次韻子瞻九月二十日微雪見寄二首

蘓轍

秋氣蕭騷仍見雪客愁繚繞動縈心幽吟百戶牕聲細
歸夢函關馬迹深疎樹飛花輕簌簌衰荷留柄亂簪簪
遙聞詩酒皆爭勝杜客何人近納琛

平時出處常聯袂文翰叨陪舊服膺自信老兄憐弱弟

豈關天下少良朋
何時杯酒看浮白
清夜霜柑釘滿登
離思隔年詩不盡
秦梁雖遠速須磨

九月二十四日雪

梅堯臣

秋露未為霜
秋空已飛雪
著樹憎葉危
壓叢憂菊折
平明開戶看
斗覺顏簷潔
天時莫倉猝
誰預衣裘設

九月二十四日大風

秋飈無踪跡
空中聲奔馳
枯桑固已驗
老病仍先知
驚沙入破隙
危葉墮綠枝
幽懷貼不寐
山岳將恐移

九月二十七日見梅花

江南風土暖九月見梅花
遠客思邊草孤根暗磧沙
何曾逢寄驛空自聽吹笳
今日樽前勝其如秋髮華

九月二十八日牡丹

香包已向青春發又見秋深
特地開應笑菊殘無意思
不能邀賦洛陽才

九月晦日謁韓子華遂留邀江隣
幾同飲是夕值其內宿不終席
明日有詩予次其韻

乘興驅車偶一來旋呼江老舊遊陪驚風送雨寒初動
舉酒浮蛆潑不開騏驥韝時聞內宿琵琶彈急怨虛催
接羅帶去今傳樣自此逢歡未便回

九月末大風一夕遂寒安置火爐有感二首

張耒

謫官兩向黃州火不知明年何處冬須信炎涼相代至
亦知榮辱到頭空怨咨莫起天公念燕坐何妨佛理通
更有牆邊一樽酒能於愁面放春紅

余以己丑年春至黃今見二冬矣

風聲一夜下林端遽作霜天十月寒三伏炎蒸不可過
北風凜冽亦何難人情伺待常宜緩天令推移古不利
幸有布裘氈履在雪深高卧更安閑

九月末風雨初寒二首

栗冽已戒候陰淡達朝昏出門無所詣幽齋誰與言塵
埃羣書積興至時一翻呼兒具棗栗時亦賴芳樽老肌
畏寒苦幸此手足溫窓間有舊筆得句時復援

愛此庭下菊蕭蕭何及時郊原一秋曠麥種待榮滋今

年真有秋禾菽實累累老農笑謂子不復憫汝飢桑榆
可析薪秋風可夜吹晴明理宜繳雉兔日已肥

歲時雜詠卷四十五

欽定四庫全書

歲時雜詠卷四十六

宋 蒲積中 編

十月

十月九日題雲夢亭

崔櫓

薄烟如夢雨如塵
霜景晴來却勝春
好住池西紅葉樹
明年今日伴何人

十月戊寅

梁簡文

喧塵是時息
靜坐對重巒
冬深柳條落
雪後桂枝殘
星

明霧色靜天白鴈行單雲飛乍想閣水皓遠凝紈晚橘
隱重屏枯藤帶迥竿岳陰連水氣山峰添月寒

代孟冬寒氣至

劉鑠

白露秋風始秋風明月初明月照高樓露落皎玄除迨
及涼雲起行見寒林疎客從遠方至贈我千里書先叙
懷舊愛末陳久離居一章意不盡三復情有餘願遂平
生眷無使甘言虛

十月奉教作

李嶠

白藏初送節玄律始迎冬林枯黃葉盡水耗綠池空霜
帶臨庭月寒隨入牖風別有歡娛地歌舞應絲桐

十二月樂遊詩十月

郭元振

十月嚴陰盛霜氛下玉臺羅衣羞自解綺帳待君開銀
箭更籌緩金爐香氣來愁仍夜未幾已使炭成灰

孟冬

杜甫

殊俗還多事方冬變所為破柑霜落爪嘗稻雪翻匙正
岫寒都薄鳥沙瘴遠隨終然減灘瀨暫喜息蛟螭

同羣公十月朝宴李太守宅 高適

良牧徵高賞，褰帷問考槃。
歲時當正月，甲子入初寒。
已聽甘棠頌，欣陪旨酒歡。
仍憐門下客，不作布衣看。

憶長安十二詠

樊珣

憶長安十月時，華清士馬相馳。
萬國來朝漢闕，五陵共臘秦祠。
晝夜歌鐘不歇，山河四塞京師。

狀江南十二月每句須一物形狀

謝良輔

江南孟冬天，荻穗軟如綿。綠絹芭蕉裂，黃金橘柚懸。

孟冬蒲津關河亭作

呂溫

息駕非窮途，未濟豈迷津。獨立大河上，北風來吹人。霜雪自茲始，草木當更新。嚴冬不肅殺，何以見陽春。

河南府試十月樂詞

李賀

玉壺銀箭稍難傾，鈺花夜笑凝幽明。碎霜斜舞上羅幕，燭龍兩行照飛閣。珠帷怨卧不成眠，金鳳刺衣著體寒。長眉對月鬬彎環。

十月

十月五日見菊上蜂

梅堯臣

黃蜂得晴日不道菊開稀
向蕊晚寒起落叢無力飛輕
輕難自舉帖帖一何微
莫問巢房處斜陽奈欲歸

十月十二日夜孤宿寄內 張耒

寒夜欺老人展轉睡不足
長年怕為客况此空齋宿
噉度雲鴈瑟瑟受霜竹凍
皎冷如植不覺重衾煥天明
起冠櫛淡日初照屋寄聲
家具酒買魚烹鴈鶩

十月十四日以病在告獨酌 蘇軾

翠柏不知秋空庭失搖落幽人得佳蔭露坐初獨酌月
華稍澄穆霧氣尤清薄小兒何所知相語翁正樂銅爐
燒栢子石鼎煮山藥一盃賞月露萬象紛酬酢此生獨
何幸風纜欣初泊逝逃顏跼網行赴松喬約莫嫌風有
待謾欲戲寥廓冷然心境空髣髴來笙鶴

十月十五日早飯清都觀道遙堂

黃庭堅

心游魏闕魚千里夢覺邯鄲黍一炊
蔬食菜羹吾亦飽
逍遙堂下葉辭枝

十月十六日記所見

蘇軾

風高月暗雲水黃淮陰夜發朝山陽
山陽曉霧如細雨
炯炯初日寒無光雲收霧卷已亭午
有風北來寒欲僵
忽驚飛電穿戶牖迅駛不復容遮防
市人顛沛百賈亂
疾雷一擊如頽墻使君來呼晚置酒
坐定已復日照廊
恍疑所見皆夢寐百種變怪旋消亡
共言蛟龍厭舊穴

魚驚隨徙空陂塘愚儒無知守章句論說黑白推何祥
惟有主人言可用天寒欲雪飲此觴

十月十八日

梅堯臣

霜梧葉盡枝影疎井上青絲轉轆轤西廂舞娥艷如玉
東楯貴郎才且多纏頭誰惜萬錢錦映了自有明月珠
一為轆轤情不已一為梧桐心不枯此心此情日相近
卷起飛泉注玉壺

古詩

十一月

十一月中旬至扶風界見梅花

李商隱

匝路層層艷飛時裊裊香素娥惟與月青女不饒霜贈
遠虛盤手傷離適斷腸為誰人早秀不待作年芳

十一月奉教作

李嶠

凝陰結暮序嚴氣肅長飈霜犯狐裘夕寒侵獸火朝冰
深遙架浦雲凍近封條平原已縱獵日暮整還鑣

憶長安十二詠

劉蕃

憶長安子月時千官賀至丹墀御苑雪開瓊樹龍堂冰
作瑤池獸炭毡廬正好貂裘狐白相宜

狀江南十二月每句須一物形狀

呂渭

江南仲冬天紫蔗節如鞭海將鹽作雪山用火耕田

河南府試十一月樂辭

李賀

宮城團迴凜嚴光白天碎碎墮瓊芳撾鍾高飲千日酒

戰却凝寒作君壽御溝泉合如環素火井溫泉在何處
今詩

十一月

和十一月八日圃人所小桃花

梅堯臣

常時開向杏花後今日綻當梅萼前不畏雪霜何太甚
繁英如火滿枝燃

前占寒食一百六算到其間未合開丹艷已先灰管動

不由人力與栽培

和十一月十二日與諸君登西園亭榭懷舊

冬日蕭條公府清獨將諸吏上高城而今何處異疇昔
鐵墓下聞狐夜鳴

莎徑依然見莎葉蓮塘無復有蓮花更看白水滿城下
說著當時龍骨車

十一月十三日病後始入倉

曾非雀與鼠何戀太倉為狐裘破不溫黃狗補其皮霜

花逐落月綴在枯槁枝予年過五十瘦寢冰生肌

十一月十七日 五首

寒更催欲盡曙色轉鷄吭鳴鴈曉北斗清笳凝夜霜空
山藏華晚故園歸夢長晨起臨清鏡悲嗟鬢已霜
寒著添綿納朝脯折足鐺無言病居士面壁老胡僧佛
祖豈欺我乾坤終有憑宿年無一事高臥醉騰騰
山與晴天晚江連夕照紅高鴻知夜渚喬木受霜風買
酒缸須滿溫爐火屢烘走遞定何物隨意東衰翁

三盃無奈酒一褐有餘溫
眼下幸無事世間何足論
山僧元飽飯詞客謾招魂
杖策何知詣門前老圃村

小霧今晨重山川不復分
自然無日色那更挾霜雰
鳥依寒寂漁樵散暝昏
一杯聊慰疾今吾憶韋君

古詩

十二月

十二月一日

三首

杜甫

今朝鵬月春意動雲安縣
前江可憐一聲何處送書雁

百丈誰家上水船未將梅蕊驚愁眼要取椒花媚遠天
明光起草人所羨肺病幾時朝日邊

寒輕市上山烟碧日滿樓前江霧黃負鹽出井此溪女
打鼓發船何郡郎新亭舉目風景切茂陵著書消渴長
春花不愁不爛熳楚客誰聽棹相將

即看燕子入山扉豈有黃鶯歷翠微短短桃花臨水岬
輕輕柳絮點人衣春來準擬開懷久老去親知見面稀
他日一杯難強進重嗟筋力故山圍

答崔賓客晦叔十二月四日見寄

白居易

今日歲餘二十六來歲年高六十二尚不能憂眼下身
因何更算人間事居士忘筌默默坐先生枕麴昏昏睡
早晚相從歸醉鄉醉鄉去此無多地

庚子臘月五日

司空圖

復道朝嚴火延城夜漲塵驛驢思故第鸚鵡失佳人禁
漏虛傳點妖星不扼辰何當迴萬乘重覩玉京春

臘月八日於鄰野石城寺禮拜

孟浩然

石壁開金像香山遶鐵圍下生彌勒佛四向一心歸竹
栢禪庭古樓臺世界稀夕嵐增氣色餘照發光輝講席
邀談柄泉堂施浴衣願從功德水從此濯塵機

十二月十九日酬王十八全素

元稹

君念世上川嗟予世瘴天那堪十日內又長白頭年

憶長安十二詠

謝良輔

憶長安鵬月時溫泉綵仗初移瑞氣遙迎鳳輦日光先
暖龍池取酒蝦蟇陵下家家守歲傳卮

狀江南十二月每句須一物形狀

丘丹

江南季冬天氣紅蟹大如扁湖水龍為鏡鑪峰氣作烟

十二月奉教作

李嶠

玉燭年行盡銅史漏猶長池冷凝宵凍庭寒積曙霜蘭

心未動色梅館欲舍芳徘徊臨歲晚顧步佇春光

河南府試十二月樂詞

李賀

日脚淡光紅灑灑薄霜不銷桂枝下依稀和氣解冬嚴
已就長日辭長夜

臘後歲前過景詠意

白居易

海梅半白柳微黃凍水初融日欲長度臘都無苦霜霰
迎春先有好風光郡中起晚聽衙鼓城上行慵倚女牆
公事漸閒身且健使君殊不厭餘杭

十二月拜起居表迴

許渾

一章西奏拜仙曹迴馬天涯北望勞
寒水欲春冰綵薄
曉山初霽雪峰高
樓形向日攢飛鳳
宮勢凌波壓抃鰲
空鎖烟霞絕巡幸
周人誰識鬱金袍

今詩

十二月十一日早苦寒與家婦酌酒因成古風

張耒

寒夜不可旦老鷄鳴苦遲晨興出戶視風折山海枝最

蛩堂東梅冽寒亦弄姿夜來月中影窺我讀書帷中庭
石井欄晨汲氣如炊今日復何事環珮聯冰澌甕罌有
芳醇庖舍具鮮肥地爐熾新炭三酌對山妻

十二月十三日喜雪

梅堯臣

三月朔風吹暗沙蛟龍卷起噴成花花霏萬里奪曉月
白石爛堆愁女媧大明廣庭踏朝賀雉尾不掃粘宮靴
宮中才人承聖顏捧觴稱壽呼南山三公免責百姓喜
斗酒十千詎復慳

十三日雪後晚過天溢榴堤上行

堤上殘風雪榴邊盛酒樓據鞍衰意盡倚檻艷歌留海
月開金鑑河水卧玉虬當年洛陽醉偏憶薰糟丘

和十二月十七日雪

殘冬勁臘已過半曉雪先春何處來豈是全資南畝麥
多應不分北枝梅庭中未許兒童掃林上惟愁狂吹催
莫問兔園同賦客相如居右最為才

十二月十八日會飲園夫頭桃花

宋 祁

今歲鵬未破明年春尚賒天教摧朔氣先霏塞南花
晚秀尚可惜早開真訝奇君看早開處定是向南枝

己卯十二月二十九日感事 張 耒

高樓乘興獨登臨搔首天涯歲暮心帶雪鵬風藏澤國
犯寒春色著烟林山川極目風光異歲月驚懷老境侵
可是斯文天遂喪楚囚何事涕沾襟

蹉跎流落已華顛又見荆湖一歲遷人怯苦寒愁短日

天收殘雪放新年園林寂歷飄梅後里巷經過守歲前
自料知非猶得在潛心久學衛蘧先

臘月下旬偶作

啄塊饑禽傍短籬飛鳶一笑起高枝君看草木冰霜凍
都是東風欲到時

風折蘼葭冰結澌燕鴻相語定歸期淮南水濶山長處
少待燕山霰雪歸

歲暮烟霜澤國寒晚鴉鳴處是柯山地爐有火樽餘酒

自起焚香深掩闌

殘臘

臘雪初消上古臺桑郊向日綵旗開
山橫南陌城中見春逐東風海上來
老去每驚新歲換病多能使壯心摧
自嗟空有東陽瘦覽物慙無八詠才

殘臘獨出

蘓軾


幽尋本無事獨往意自長釣魚豐樂橋
採杞逍遙堂羅浮春欲動雪日有清光
處處野梅開家家臘酒香路逢

眇道士疑是左元放我欲從之語恐復化為羊

江邊有微行詰曲背城市平湖春草合步到棲禪寺堂
空不見人老稚掩闌睡所營在一食食已寧復事客來
豈無得施子靜掃地松風獨不靜送我作鼓吹

殘臘

逼老憂添歲居貧憚製衣客妻憐酒嫩饒稚幸豚肥俗
累隨年盡春光趁臘歸莫嫌花未發明暫玩先幾



歲時雜詠卷四十六